

MindLoops



Dengan siapa
saya boleh
bersalam?

Ketahui apakah doa
dan perkara sunat
di pagi raya

Uji
personaliti
anda!

Mari belajar
buat ketupat!

Isi Kandungan

Pelbagai info, komik dan aktiviti menarik sempena Hari Raya Aidilfitri



Informasi

1 Adab berziarah semasa PKP dan kongsi raya

2 Tokoh ; Professor Diraja Ungku Abdul Aziz

3 Tokoh ; Ibnu Yunus

7 Dengan siapa saya boleh bersalam?

12 Doa dan perkara sunat di pagi raya

B Tabung raya

Komik

4 Tamak pahala

9 Kemeriahinan malam raya

Kuiz

10 Uji personaliti (edisi raya)

Aktiviti

5 Mari belajar buat ketupat

6 Word Search

8 Mari kita buat aktiviti bersama

H Projek "cookies" raya

MindLoops

Editor:

Prof Madya Dr Adibah binti Abdul Latif

Penulis:

Aina Nadhirah Ab Hisham
Nurul Ain binti Yaakop
Nur Aisyah Sakinah binti Noor Ahmad

Animator:

Farhah Syamimi binti Suhimi

Graphic:

Farhah Syamimi binti Suhimi
Nurul Radziah binti Osman
Nur'atiqah binti Arshad

"Kata-kata Editor"

Assalamualaikum wbt dan Salam perkenalan buat semua. Alhamdulillah, syukur ke hadrat Ilahi dengan rahmat dan keizinanNya lahirlah e-Majalah *MindLoops* buat julang kalinya yang diterbitkan secara khusus melalui Sistem Sokongan Pembelajaran dan Pengajaran Albayan.

Pertamanya saya ingin menzahirkan rasa penghargaan dan sekalung tahniah buat sidang redaksi majalah yang meletakkan komitmen yang tinggi bagi menghasilkan majalah yang dapat dimanfaatkan oleh murid, ibu bapa dan guru. Diharapkan agar majalah ini mampu menjadi medium santai yang bermanfaat dalam memperkasa budaya cintakan ilmu dalam kalangan masyarakat terutamanya buat anak didik yang masih di bangku sekolah.

Bagi keluaran sulung Majalah *MindLoops* ini, konsep perayaan dikenangkan sebagai tema, terutamanya sambutan yang diraikan dengan penuh SOP. Informasi, kuiz, aktiviti dan komik yang disediakan dalam majalah ini diharapkan bukan sahaja memberi hiburan kepada semua, malah dapat memberi pengetahuan yang berguna.

Akhir kata, saya berharap agar majalah ini dapat dimanfaatkan sebaiknya oleh semua dan terus menyokong usaha kami dalam usaha pendigitalan pendidikan secara holistik. Saya juga ingin mengambil kesempatan ini untuk memohon kepada semua agar sentiasa menjaga dan mematuhi arahan pihak kerajaan dalam mengekang wabak Covid-19. Sentiasa jaga diri dan patuhi SOP, bersikap positif dan berdoa agar kita semua dilindungi Allah dari wabak ini. Semoga kita sentiasa beroleh rahmat dan kesejahteraan dari Allah dan sentiasa menjadi insan yang mencintai ilmu. Selamat membaca!

Prof Madya Dr Adibah binti Abdul Latif
Editor e-Majalah *MindLoops*

Adab Berziarah Semasa PKP

"Sebenarnya orang yang beriman itu bersaudara maka damaikanlah di antara dua saudara kamu itu; dan bertakwalah kepada Allah agar kamu beroleh rahmat." (al-Hujurat:10)



Kongsi Raya

Pada tahun 1996, 1997 dan 1998, Hari Raya Aidilfitri jatuh pada minggu yang sama dengan Tahun Baru Cina. Gabungan kedua sambutan ini mencetuskan slogan "Kongsi Raya" atau "Gong Xi Raya" yang digunakan di serata negara.




Manakala, Malaysia telah menyambut "Deepa Raya" pada tahun 2004, 2005 dan 2006 iaitu gabungan Hari Raya Aidilfitri dan Deepavali secara serentak dalam minggu yang sama.

Fenomena perayaan berganda seperti ini bukanlah asing di Malaysia. Ia hanya berdasarkan pengiraan kalender berbeza yang digunakan. Orang Islam menggunakan kalender lunar sementara orang Cina dan Hindu menggunakan kalender luni-solar (bulan dan matahari). Kepelbagaiannya ini juga menunjukkan bahawa Malaysia merupakan sebuah negara yang unik! Sambutan Hari Raya Aidilfitri tahun ini jatuh pada 13 May 2021! Maaf zahir batin dari kami semua.



Tokoh

Nama	:	YM. Professor Diraja Ungku Abdul Aziz bin Ungku Abdul Hamid
Tarikh lahir	:	28 Januari 1922
Tempat lahir	:	London
Tarikh meninggal dunia	:	15 Disember 2020 (pada usia 98 tahun)
Nama bapa	:	Ungku Abdul Hamid bin Ungku Abdul Majid
Nama ibu	:	Hamidah Binti Abdullah
Nama isteri	:	Sharifah Azah Mohammad Alsagoff
Pendidikan	:	-Sekolah Melayu Batu Pahat -Raffles College -Universiti Malaya Singapura -Wasea University, Tokyo Jepun



Perkhidmatan:

- Perkhidmatan Awam Johor (JCS) (1951)
- Pensyarah Ekonomi Universiti Malaya Singapura (1952-1961)
- Professor dan Dekan Fakulti Ekonomi Universiti Malaya, Kuala Lumpur (1961-1965)
- Naib Canselor Universiti Malaya (1968 – 1988)

Sumbangan

Beliau banyak memberi sumbangan kepada negara terutamanya di dalam bidang ekonomi dan pendidikan. Antara sumbangan beliau ialah Perlaksanaan Dasar Ekonomi Baru (DEB), mencetuskan idea penubuhan bagi Lembaga Urusan dan Tabung Haji (HLT), Dewan Bahasa dan Pustaka (DBP), Angkatan Koperasi Kebangsaan Berhad dan Akademi Islam, Pusat Asasi Sains dan Pekan Buku di Universiti Malaya.

Anugerah

- Beliau dianugerahkan gelaran Professor Diraja pada tanggal 17 Jun 1978.
- Pada tahun 1993 pula, beliau telah memenangi Hadiah Budaya Asia Fukuoka IV 1993.
- Seterusnya pada tahun 1997, beliau diberikan anugerah sebagai Tokoh Maal Hijrah oleh DYMM Seri Paduka Baginda Yang di-Pertuan Agong.
- 21 Julai 2002, beliau telah menerima anugerah Tokoh Koperasi Negara bersempena Hari Koperasi Negera. Menjadi sejarah negara pada 11 Mei 2005 iaitu semasa sambutan ulang tahun ke 59 UMNO, beliau diberikan penghormatan dengan menjadi penerima pertama bagi 'Anugerah Melayu Terbilang'.

Tokoh

Ibnu Yunus Tokoh Astronomi Islam



Nama :	Abu al-Hassan Ali Ibn Abdur-Rahman Ibn Ahmad Ibn Yunus Ibn Abdul A'la al-Sadafi.
Gelaran :	Ibnu Yunus.
Kepakaran :	Astronomi dan matematik.
Tahun kelahiran :	950 atau 952 Masihi.
Tahun kematian :	1009 Masihi.
Tempat kelahiran :	Fustat, Mesir.

Ibnu Yunus lahir dalam keluarga yang cintakan ilmu. Datuknya seorang ulama dan bapanya seorang sejarawan, penulis biografi, dan ulama hadis terkemuka. Tokoh ilmuan yang kreatif dan produktif ini bertanggungjawab dalam meluaskan ilmu Astronomi. Ini terbukti apabila beliau membangunkan pusat penyelidikan kaji bintang di Kaherah. Beliau juga telah membuat lebih 10,000 catatan mengenai kedudukan matahari sepanjang tahun. Perkhidmatan beliau selama 30 tahun pada era pemerintahan Khalifah Al-Azis dan Al-Hakim sewaktu Dinasti Fatimiyah bermula dari 977 hingga 1003 Masihi sangat dikagumi.

Karya agung Ibnu Yunus:

- ❖ al-Zij al-Kabir yang memperkenalkan penemuan berupa ayunan bandul untuk mengetahui detik-detik waktu meneropong benda-benda di angkasa.
- ❖ Kitab Al-Mikhail yang mengisahkan tentang matahari.
- ❖ Kitab At-Ta'dil Al-Muhkam menukilkhan tentang gerhana matahari dan bulan, ukuran solat, daftar bayang-bayang dan azimut matahari.

Sumbangan Ibnu Yunus:

- ❖ Mereka cipta batu jam.
- ❖ Membina jadual keperluan astronomi dalam menentukan garis bujur dan lintang matahari, bulan dan planet.
- ❖ Jadual yang dapat menentukan arah kiblat.
- ❖ Mencipta pelbagai kaedah penting dalam mengira kepentasan waktu.



Mari Belajar Buat Ketupat

Langkah-Langkah Membuat Ketupat :



Sediakan 2 kerat reben berlainan warna.



Mulakan dengan membuat gulungan pada reben kuning.



Buat juga gulungan pada reben hijau.

Anyamkan reben hijau secara selang-seli melalui gulungan reben kuning.




Kemudian, teruskan proses menganyam reben hijau sehingga lapisan kedua.



Teruskan proses menganyam reben hijau sehingga lapisan ketiga.

Masukkan reben kuning secara selang-seli melalui gulungan reben hijau. Ulang langkah yang sama pada reben hijau di sebelahnya.



Gabungkan kedua-dua hujung pangkal reben hijau dan kuning dan tarik dengan perlahan.




Ketatkan kedua-dua hujung pangkal reben dan siap!

Word Search

C	I	G	M	P	D	U	I	T	R	A	Y	A	N	I
T	A	K	I	Z	A	T	J	G	U	L	X	S	T	U
R	E	N	D	A	N	G	B	U	V	R	Y	O	B	I
D	W	V	I	P	A	A	G	N	U	B	C	F	A	H
Z	X	O	I	A	E	S	M	G	L	B	O	E	L	C
I	N	O	D	N	O	L	D	N	O	M	L	A	I	G
A	R	P	T	R	N	Y	M	Z	R	T	S	S	K	N
R	O	T	B	G	W	D	P	K	A	O	E	W	K	A
A	T	W	I	N	C	I	O	P	G	T	M	S	A	M
H	P	U	L	F	V	V	U	D	B	C	P	O	M	E
N	Y	W	A	M	L	T	W	C	O	B	E	E	P	L
B	N	D	F	R	E	I	A	O	S	L	R	U	U	D
Y	C	D	X	K	J	Q	D	R	R	V	I	C	N	J
T	I	G	A	O	A	C	F	I	V	G	T	E	G	H
E	T	A	S	B	C	O	V	F	A	Y	A	Z	R	K


RENDANG	LEMANG	KETUPAT	DODOL
BUNGA API	DUIT RAYA	ALMOND LONDON	BALIK KAMPUNG
AIDILFITRI	ZIARAH	SEMPERIT	SATE

Dengan Siapa Saya Boleh Bersalam?




Mari Kita Buat Aktiviti Bersama

Dengan siapa saya boleh bersalam?



Dengan siapa saya tidak boleh bersalam?



UJI PERSONALITI

1. Bilakah masa keluarga anda membuat persiapan raya?

- A Sebelum Ramadan
- B Minggu pertama hingga kedua Ramadan
- C Seminggu sebelum hari raya

2. Apakah yang anda lakukan apabila tetamu datang ke rumah anda pada hari raya?

- A Bersalamans dan membantu ibu menyediakan minuman
- B Bersalamans dan kemudian duduk di dalam bilik
- C Bersalamans, membantu ibu menyediakan minuman dan berbual dengan tetamu

3. Ibu mengajak anda membantu membuat kuih raya.

- A Saya membantu ibu dari mula hingga selesai
- B Saya hanya membantu semasa menyediakan bahan membuat kuih
- C Saya menemani ibu membeli barang sahaja

4. Apakah tugasan yang anda lakukan semasa malam raya?

- A Memasang sarung sofa
- B Memasang langsir
 Mengemas ruang tamu
 Menyapu laman rumah
- C Memasukkan kuih ke dalam balang
 Memasang pelita di halaman rumah
 Membantu ibu menyediakan juadah raya

5. Ibu dan ayah mengajak anda menziarahi rumah saudara.

- A Saya mengikut keluarga kerana ingin mendapatkan duit raya
- B Saya memberi alasan untuk tidak mengikut keluarga saya
- C Saya gembira dan seronok untuk menziarahi saudara

6. Apakah yang anda lakukan pada pagi raya?

- A Bangun awal pagi
 Mandi sunat hari raya
 Pergi ke masjid untuk solat hari raya
- B Membantu ibu menghidangkan juadah raya
- C Melakukan aktiviti seperti hari-hari biasa

7. Apakah perkara yang paling dinantikan pada pagi raya?

- A Baju raya baharu
- B Duit raya dan kuih raya
- C Peluang untuk menziarahi saudara

8. Apakah aktiviti yang anda lakukan pada hari raya pertama?

- A Menonton rancangan hari raya
- B Menziarahi keluarga dan sanak saudara
- C Sesi bergambar bersama keluarga

Skor

- | | | | |
|-----------------|---|--|-----------------|
| 1. A -1 B-3 C-5 | 3. A -5 B-1 C-3 | 5. A -3 B-1 C-5 | 7. A -1 B-3 C-5 |
| 2. A -3 B-1 C-5 | 4. A -1 B-2 setiap kotak yang ditanda C-3 setiap kotak yang ditanda | 6. A -3 setiap kotak yang ditanda B-2 setiap kotak yang ditanda C- 1 | 8. A -1 B-5 C-3 |

0-15 markah

Hmm, hari raya ke?

Anda seorang yang pendiam dan tidak suka bersosial. Bagi anda, hari raya sama seperti hari-hari biasa.

16-30 markah

Eh, dah hari raya?

Anda seorang yang pandai menyesuaikan diri dengan keadaan sekeliling secara sederhana. Hari raya merupakan hari yang istimewa bagi anda.

31-50 markah

Yeah! Riang ria raya!

Anda sangat suka bergaul dan seorang yang sukakan keramaian. Anda tidak kisah jika tiada siapa yang dikenali ketika berada di sesuatu majlis. Bagi anda, hari raya merupakan hari yang ditunggu-tunggu setiap tahun.



Doa & Perkara Sunat di Pagi Raya

1 Niat mandi sunat pagi raya
نَوَيْتُ الْغُسْلَ لِعِيدِ الْفِطْرِ سُنَّةً لِلَّهِ تَعَالَى
"Sahaja aku mandi sunat Hari Raya Aidilfitri kerana Allah Taala"
Cara mandi: mandi seperti biasa.

2 Memakai pakaian terbaik
Kita digalakkan untuk memakai pakaian yang terbaik pada pagi hari raya namun mengikut kemampuan masing-masing supaya tidak wujud istilah membazir. Kaum lelaki pula disunatkan memakai bau-bauan manakala kaum wanita tidak disunatkan memakai bau-bauan.

3 Memperbanyak takbir
Sunat untuk melaungkan takbir sebaik sahaja diumumkan bahawa anak bulan Syawal telah kelihatan. Takbir akan bermula selepas waktu maghrib setelah berakhirnya Ramadhan.

4 Menjamah makanan sebelum keluar
Kita disunatkan makan sedikit sebelum menunaikan solat Aidilfitri. Kebiasaannya, Rasullullah SAW akan memakan kurma dengan bilangan yang ganjil pada pagi Hari Raya Aidilfitri.

5 Saling mendoakan
Memperbanyak ucapan selamat dan saling mendoakan antara satu sama lain.

6 Solat sunat Aidilfitri
Umat Islam akan menunaikan solat sunat Aidilfitri 2 rakaat secara berjemaah atau bersendirian pada pagi Syawal.

7 Berjalan kaki menuju ke masjid
Sunnah untuk berjalan kaki menuju tempat solat hari raya. Tujuannya adalah untuk bertemu dengan lebih ramai orang untuk bersalamam dan mohon maaf.

8 Menukar jalan ke tempat solat
Nabi Muhammad SAW biasanya akan menukar dan menggunakan jalan yang berbeza pergi dan pulang apabila di hari raya.

9 Saling menziarahi
Berziarah sesama saudara-mara, rakan taulan dan jiran tetangga bagi merapatkan hubungan silaturahim dan saling bermaaf-maafan.

10 Puasa sunat 6 hari di bulan Syawal
Puasa sunat enam boleh dilakukan sepanjang bulan Syawal bermula dari Syawal kedua.

Selamat Hari Raya

Copyright © 2021 by Albayan 12

TABUNG RAYA

Assalamualaikum kawan-kawan! Banyak dapat duit raya? Mari Aliff bantu menguruskan tabung raya anda!

Kalau kawan-kawan bijak, cuba teka berapakah jumlah wang dalam balang ini.

50% Tabung Simpanan: RM50 (Separuh)

Simpankan separuh daripada wang yang diperolehi untuk dana kecemasan.
"Sikit-sikit, lama-lama jadi bukit."

40% Tabung Impian: RM 40

Aliff pasti rakan-rakan mempunyai impian untuk membeli sesuatu. Gunakan wang di dalam tabung impian dengan sebaiknya!

10% Tabung Sedekah: RM 10

Rakan-rakan, jadikanlah sedekah suatu amalan dalam hidup kita. Di samping dapat membantu orang yang memerlukan.

Projek Cookies Raya!!

Mari buat resipi yang mudah dan cepat untuk seisi keluarga.

Bahan-bahan:

- 1 3/4 cawan tepung gandum (1 cawan + 3/4 cawan)
- 1/4 cawan tepung jagung
- 1/2 sudu teh serbuk penaik
- 1 sudu teh kecil esen vanila
- 2 cawan cornflakes diramas kasar
- 200 g mentega (suhu bilik)
- 3/4 cawan gula kastor

Cara memasak:

1. Adunkan gula dan mentega selama 5 minit.
2. Setelah adunan sempurna, masukkan kuning telur dan esen vanila.
3. Masukkan campuran tepung, cornflakes, serbuk penaik dan gaul hingga sebatи.
4. Panaskan ketuhar 170°C selama 10 minit.
5. Sapu nipis permukaan loyang dengan mentega.
6. Bentukkan adunan mengikut kreativiti anda sehingga habis.
7. Bakar selama 10-20 minit menggunakan api atas dan bawah.
8. Tambah taburan cip coklat untuk kelihatan lebih menarik.

Mudahnya buat cookies. Nyam...Nyam...

